

# In Mueters Stübeli

trad. Basel-Landschaft, Basel-Stadt,  
Breisgau, Elsass



1. In Mue - ters Stü - be - li, do goht der hm, hm, hm, in Mue - ters  
Stü - be - li, do goht der Wind.

2. Muess fast verfriere  
vor luter hm, hm, hm,  
muess fast verfriere  
vor luter Wind.

7. Du stohsch vor's Lädeli  
und ich vor d hm, hm, hm,  
du stohsch vor's Lädeli  
und ich vor d'Diire.

3. I ha kai Hemmli a  
und du kai hm, hm, hm,  
i ha kai Hemmli a  
und du kai Strümpf.

8. Du kriegsch en Öpfeli  
und ich e hm, hm, hm,  
du kriegsch en Öpfeli  
und ich e Biire.

4. Mir wänn goh bättle goo,  
mir sind jo hm, hm, hm,  
mir wänn goh bättle goo,  
mir sind jo zwai.

9. Du saisch: "Vergält is Gott!"  
und ich sag hm, hm, hm,  
du saisch: "Vergält is Gott!"  
und ich sag Dangg.

5. Du nimmsch der Bättelsagg  
und ich der hm, hm, hm,  
du nimmsch de Bättelsagg  
und ich der Korb.

10. Ich bi der Gygebueb  
und du machsch hm, hm, hm,  
ich bi der Gygebueb,  
du machsch der Tanz.

6. Du gohsh ins Stedtli  
und ich ins hm, hm, hm,  
du gohsh ins Stedtli  
und ich ins Dorf.